

तस्मादेष एवान्तकः । स यो हैतमन्तकं मृत्युं संवत्सरं वेद न
 हास्यैष पुरा जरसो ऽहोरात्राभ्यामायुषो ऽन्तं गच्छति । सर्वं
 हैवायुरेति ॥२॥ ते देवा एतस्मादन्तकान्मृत्योः संवत्सरात्प्रजा-
 पतेर्विभयां चक्रुर्यद्वै नो ऽयमहोरात्राभ्यामायुषो ऽन्तं न ग-
 5 छेदिति ॥३॥ त एतान्यज्ञक्रतूस्तेनिरे ऽग्निहोत्रं दर्शपूर्णमा-
 सौ चातुर्मास्यानि पशुबन्धं सौम्यमध्वरम् । त एतैर्यज्ञक्रतुभि-
 र्यजमाना नामृतत्वमानशिरे ॥४॥ ते हाष्यग्निं चिक्षिरे । ते
 ऽपरिमिता एव परिश्रित उप दधुरपरिमिता यजुष्मतीरपरि-
 मिता लोकंपृणा यथेदमप्येतर्ह्येक उपदधति । इति देवा अ-
 10 कुर्वन् । इति ते ह नैवामृतत्वमानशिरे ॥५॥ ते ऽर्चन्तः श्रा-
 म्यन्तश्चेरुरमृतत्वमवरुत्समानाः । तान्ह प्रजापतिरुवाच न
 वै मे सर्वाणि रूपाण्युप धत्थाति वैव रेचयथ न वाभ्यापयथ
 तस्मान्नामृता भवथेति ॥६॥ ते होचुस्तेभ्यो वै नस्त्वमेव त-
 ब्रूहि यथा ते सर्वाणि रूपाण्युपदधामेति ॥७॥ स होवाच
 15 षष्टिं च त्रीणि च शतानि परिश्रित उप धत्त षष्टिं च त्रीणि
 च शतानि यजुष्मतीरधि षट्त्रिंशतमथ लोकंपृणा दश च स-
 हस्राण्यष्टौ च शतान्युप धत्ताथ मे सर्वाणि रूपाण्युप धास्य-
 थाथामृता भविष्यथेति । ते ह तथा देवा उप दधुः । ततो दे-
 वा अमृता आसुः ॥८॥ स मृत्युर्देवानब्रवीदित्यमेव सर्वे मनु-
 20 ष्या अमृता भविष्यन्त्यथ को मह्यं भागो भविष्यतीति । ते हो-
 चुर्नातो ऽपरः कश्चन सह शरीरेणामृतो ऽसद्यदैव त्वमेतं भागं
 हरासा अथ व्यावृत्य शरीरेणामृतो ऽसद्यो ऽमृतो ऽसद्विद्यया
 वा कर्मणा वेति । यद्वै तदब्रुवन्विद्यया वा कर्मणा वेत्येषा